

Pagtapna sa Ilaga

Kinaiya

- Hanap ang panan-awan apang sensitibo sa giho
- Sensitibo sa panimaho, panabor, pamatyag kag anting
- Daw tigib nga unto/*incisors*
- Lagba nga bungot kag ikog nga giya sa paglayaw
- May *Neophobia*- nahadlok sa mga bag-o sa ila pamatyagan



Paggamit sang *flame thrower*

Mga Paagi sa Pagtapna sa Ilaga

1. Katinluan. Pagpraktis sang insakto nga pagpaninlo paagi sa pagkuha sang tanan nga mga uhot nga naga tumpok sa talamnan pagkatapos sang ani kag pag preparar sang duta nga mala. Pagtinlo sa bilog nga tiyempo sang pagtanum kag pagpahuway / pagbakante para malikawan ang pagdamo sang ilaga.
2. Pagpreparar sang duta nga wala sang tubig para malikawan ang presensya sang ku-ol kag hilamon nga nagaserbe pagkaon sang ilaga.
3. Pag-ayam sang ilaga sa pagmanihar sang mga buho. Pagkutkot kag pagbasya sang tubig sa mga buho kag balayan sang mga ilaga para para mapuwersa sila nga mag guwa. Paggamit sang *flame thrower* paagi sa pagbutang sang kalayo sa bukana sang mga buho.
4. Paggamit sang lagpit ukon iban nga mga siod para makontrol ang pagsulod sang mga ilaga sa talamnan. Ibutang ini sa mga kahon kag banas sa diin may mga agi sang ilaga nga maobserbahan.
5. Pagpangayam sa kagab-ihon. Ang ini nga paagi pinaka maayo nga gamiton sa pagpreparar sang duta kag antis magduko ang humay.
6. Pagdumalahan sang tubig. Pagdugang sang kadalumon sang tubig sa 3-5 sentimetros (sm) pagkatapos sang panggipi para mabuhinan ang pagsulod sang ilaga sa talamnan.
7. Dungan nga pagtanum sa tion sang tigtalanum para malimitahan ang ila pagkaon sa tion sang pagbakante sang duta.
8. Pagamyon ang kadakuon sang kahon sa 15 sm ang kalaparon kag 20 sm ang kataason kun mahimo para malikawan ang pag-ubra sang mga buho kag puluy-an sang ilaga.
9. Pagbutang sang mga siod ukon *Trap Barrier System*.